

太上洞玄靈寶業報因緣經

奉戒品

大慈大悲普濟真人以業報因緣請問

太上道君爾時道君告普濟曰我從無始世界已來常在人間教化說法度脫眾生使過去未來十方三界人天凡聖普使聞知等會無爲入真常道不生不滅無去無來常住湛然圓通靜室登此界者皆須持戒始自發心終於極果懺悔受戒誦念持齋行道至誠發弘誓願讚歎布施滋潤眾生救護一切廣建功德感應諸天福報生神攝因生化本迹機會證實相行教流通廣統真應方始會道念念不捨滅心忘心皆須持戒持戒不

道藏輯要

業報因緣經

辛

房集六  
火川文

犯諸天降臨眾聖敬仰羣魔讚唱各隨功業列名上官我故隨其分力廣說戒門多少不同上下有異任汝眾生相機所受三戒五戒六戒七戒八戒九戒十戒十二可從戒十四持身戒二十四戒二十七戒三十六戒乃至洞玄下品四十中品六十上品八十一百八十上清三百觀身洞神七百二十戒各有次第導引羣迷能有受持皆獲福利滅罪無窮並散在三洞諸經流行已久眾生暗昧不能得聞今止爲汝說無上十戒作人天福業生死善緣傳示當來徧令護持降福消禍不可思議

第一戒者不得殺生及懷殺想常行慈悲濟度一切觀諸眾生常如己想

第二戒者不得偷盜及懷盜想常行退讓不受非義觀諸資財如已物想

第三戒者不得邪淫及懷姙想常行貞潔獨處幽棲觀諸男女如骨肉想

第四戒者不得慳貪及懷貪想常行布施廣濟貧窮平等一心無彼我想

第五戒者不得瞋怒及懷怒想常行歡喜和睦寬親觀諸眾生如赤子想

第六戒者不得愚癡及懷癡想常行智慧勸誘愚迷觀諸眾生如手足想

道藏輯要

業報因緣經

至

房集六  
川一七

第七戒者不得綺言及懷綺想常行忠正內外純和觀諸經教生念誦想

第八戒者不得妄語及懷妄想常行信實隱顯無欺觀諸人民無虛誑想

第九戒者不得惡口罵詈及惡口想常行正念不起毒心觀彼毒蛇自取害想

第十戒者不得兩舌鬪亂及兩舌想恆行端直不起愛憎觀諸彼我無向背想

道君曰此十戒者是眾生城郭依棲屋宅能守持者有玉童玉女金剛神王將軍力士各二十四人侍衛左右消災度厄保命

延年真聖敬仰諸天歡悅刀兵水火虎狼蟲蛇疾病牢獄鬼賊  
邪精饑寒惱難一切眾禍永不干身求男得男求女得女富貴  
壽樂所願遂心智慧聰明形容端正人中第一不可思議過去  
受生天宮淨土華臺寶殿衣食無爲雲蓋龍車逍遙自在常聞  
經法侍奉

天尊展轉受身會正真道持此戒者如彼寶劍能斷一切如彼  
法舟能度一切如彼猛火能燒一切如彼淨水能洗一切自三  
清已下乃至十方上聖真仙莫不皆由持此戒也戒者防罪止  
惡檢束身心降伏妖魔感動靈聖

道君曰昔有五百男子於純和國空明山中修道二十一年共

道藏輯要

業報因緣經

卷

房集六

持此戒悉悟無爲吾遣達相真人度人無相天中今並得爲金  
光仙人更學大乘漸階真位又棲浮國空積山中有三萬六千  
女子同心學道一百年中不聞此經戒被大魔精中害悉入無  
明水中流浪沉沒不能得出吾遣度脫真人往彼救拔授與此  
經令漸開悟移在觀山正持十戒已得六百萬年日夜翹勤專  
一不二靈芝神草甘露玉池自生其處充給飲食稍稍明了自  
會至真普濟問曰未審持此戒者須從師受止讀經文又眾生  
氣力優劣不同或卒世奉行或一時便止未審其意如何伏願  
天尊賜垂分解

道君曰若有善男子善女人能發道心詣師請受終身奉行過

去見存獲福無量若復抄寫依經讀誦燒香供養如法修行最爲第一不可思議若值講說敷敷妙旨廣爲人民能詣師傅歸心奉受如戒修行獲福巍巍又復詣師請受不得修行或就本家奉持暫時卽替一時蒙惠福亦不輕何以故猶如甘雨一霑受者皆潤隨其稟澤悉得滋榮戒得所霑莫不成賴

道君曰若道士女冠爲國主人王宰輔人民土地山林三塗五苦一切眾生所在發心建百高坐廣召同侶講說此經三日七日九日十日乃至百日不限時節燒香行道禮懺啓願散華燃燈普勸眾生令持齋戒使悉知聞願得天下太平兆民安樂福祚堂堂若復有人能爲國王帝主土地人民抄寫此經百部千部乃至萬部無量數部所在流通教化一切悉得受持得福無量不可思議

道藏輯要

業報因緣經

卷三

房集六  
XXXL

道君曰若道士女冠爲諸男女度受戒時皆當先行信籌籌長一尺二寸竹木之屬隨便制之付此籌後方當授戒行此籌者四種因緣一者令諸男女生回向心二者預審本心必令堅固三者先示信緣生饑渴想四者奉戒弟子通誠願相開度所以謂爲信籌籌者一則自計己身善惡多少二則請諸眞聖算命增加示此法相令戒專一是故度戒先授此信籌

持齋品

道君曰眾生無始受身以來慳貪嗜欲飲食酒肉啖嚼無厭長

此飢膚養其膿血致生病惱彌益罪根生老病死暑濕風寒痛癢酸疼惡風毒氣入身染體百病來侵念念無常晝夜不住受生稟賦各各不同日夜循環萬萬生死或處胞胎茹成膿血隨即化消或居母腹不得出生便復破壞雖作分解母子暫殊即便死亡不可稱計或一歲兩歲乃至百歲念念解張衰耗豈住頭痛肚熱萬惱相侵一生之中無少安樂者良由廣食穢濁積滿身中酒肉臙肌蒸然臟腑惡風毒氣吹扇形骸金玉化消身形詎久吾不飲不食抱道自然變化無方長生不死常說經教開度眾生凡夫愚迷不能信用我常憂念愍痛在茲故設齋法令滅病苦吾昔就

道藏輯要

業報因緣經

卷

房集六  
X 1 1

元始御前受三十六部經文齋法精微濟度羣品行之人間具有成法凡夫無知謂爲虛誕如三清眾聖久證道真恆悉奉齋勤行不怠況汝輩乎若上士勤行長齋清室誦經燒香中不懈怠或存或亡隨其愚智制法不同善巧方便開度眾生六齋十直八節三元甲子本命三會庚申諸雜救護微妙難思皆是元始引接下凡吾常勸教普使修行普濟問曰未審建齋功德輕重復有何神監臨爲復直爾斷食復有威儀又至道圓通徧諸有法當隨分力恣任能行立六齋等法也愚所未了願垂教誨道君答曰功德輕重諸天降臨威儀軌則六齋等別並備靈寶諸經今粗說之汝宜諦聽齋者二種不同一則極道二則濟度

極道者爲發心學道從初至終念念持齋心心不退復有一門  
一謂忘心二謂滅心忘心者始終運意行坐忘形寂若死灰同  
於槁木滅想滅念惟一而已滅心者隨念隨忘神行不系歸心  
於寂直至道場濟度者謂回念至道翹想玄真願福降無窮災  
消未兆又有二種隨力修行一者虔心二者捨財虔心者惟罄  
一心丹誠十極燒香禮拜惟求於道捨財者市諸香油八珍百  
味營饌供具屈請道士及以凡品歸心啓告委命至真內泯六  
塵外齊萬景冥心靜慮歸誠於道克成勝果永契無爲救濟存  
亡拔度災苦隨其分力福降不差功德重輕各在時矣建齋之  
日諸天上聖真仙靈人玉童玉女三界五帝一切威靈建節持

道藏輯要

業報因緣經

卷

房集六  
×××

幢執符把籍飛空步虛燒香散華觀聽法音條錄罪福名書諸  
天金格玉字受福無窮所以別立月日者至是之辰吾遣三界  
十方善惡神靈按行人間矣正月青帝九氣功曹將軍九億萬  
眾建節持幢與神仙兵馬玉童玉女同下人間條錄罪福三月  
黃帝一氣天罡將軍五億萬眾執符把錄與神仙兵馬玉童玉  
女同下人間糾察罪福五月赤帝三氣勝光將軍三億萬眾飛  
空步虛與天仙兵馬仙童玉女同下人間按行罪福七月白帝  
七氣傳送將軍七億萬眾瓊輪羽蓋與天丁力士同下人間書  
其罪福九月上元一氣河魁將軍五億萬眾揮幢執節與功曹  
使者玉童玉女同下人間抄其善惡十一月黑帝五氣神后將

軍五億萬眾燒香散華與左右龍虎君同下人間糾正罪福正月十五日爲上元十天靈官神仙兵馬與無鞅數眾上聖高尊妙行真人同下人間考定罪福七月十五日爲中元九地靈官神仙兵馬無鞅數眾名山洞府神仙兵馬同下人間校錄罪福十月十五日爲下元九江水帝十二河源溪谷大神水府靈官同下人間校定罪福立春日元始遣度仙上聖天尊將始青天君神仙兵馬無鞅數眾教化人間開度眾生春分日元始遣玉寶皇上天尊將青靈始老帝君神仙兵馬無鞅數眾教化人間開度眾生立夏日元始遣好生度命天尊將始丹天君神仙兵馬無量等眾教化人間開度羣品夏至日元始遣玄真萬福天尊將丹靈真老帝君神仙兵馬無量聖眾教化人間開度眾生立秋日元始遣太靈虛皇天尊將始素天君神仙兵馬無量聖眾教化人間開度羣品秋分日元始遣太妙至極天尊將皓靈皇老帝君神仙兵馬無量數眾教化人間開度羣品立冬日元始遣無量太華天尊將始玄天君神仙兵馬無量數眾教化人間開度羣品冬至日元始遣玄上玉宸天尊將五靈玄老帝君神仙兵馬無鞅數眾教化人間開度羣品皆從仙童玉女北斗北斗四司五帝建符執節燒香散華龍輿鳳駕徧滿虛空或長或短或雲或雨或風或露或鳥或獸或青或黃種種變化按行人間條錄罪福觀察眾生又每月一日元始西北天與北斗及

道藏輯要

業報因緣經

姜

房集六  
X文8

傳言使者下八日元始北方天與北斗司殺鬼及赤車使者下  
十四日元始東北天與太一使者下典司使者下十五日元始  
東方天與天帝及天地水三官並監司使者下十八日元始東  
南天與天一及賊曹使者下二十三元始南方天與太一八  
神使者及符章侍從下二十四日元始西南天與北辰及守宅  
三將軍下二十八日元始西方天與下太一及天公使者下二  
十九日元始下元天與中太一及諸官將軍下三十日元始上  
元天與上太一及天帝使者下皆與諸天眾聖至真尊神仙童  
玉女四司五帝五斗監司建節持幢步虛誦經檢行男女所積  
善惡罪福因緣又甲子曰太一中臺大使下庚申日太玄上官

道藏輯要

業報因緣經

卷

房集六  
X文8

制民三尸下又正月一日獻壽七日迎祥二月八日芳春三月  
三日蕩邪四月八日啓夏五月五日續命六月六日清暑七月  
七日迎秋八月一日逐邪九月九日延算十月一日成福十一  
月十五日啓福十二月初五日百福本命日祈年三會日建功  
凡此諸齋日若帝王國主妃后大臣公侯宰輔道士女冠人民  
兆眾或自爲人燒香行道誦經禮謝講說此經奏名白簡投告  
山川五嶽四瀆山洞靈司吾常遣諸真人神仙玉女侍巾玉童  
香官使者檢錄名字著神仙玉歷長生簿中令厄難消除眾苦  
清淨永享無窮一日持齋滅身中五十種罪得五日餘糧二日  
滅身中一百種罪得十日餘糧三日滅身中一百五十種罪得



一十五日餘糧五日已上滅身中五百種罪得千日餘糧百日身中萬罪皆滅行厨來至玉女扶迎衣食自然千日三界侍衛五帝扶持門戶昌熾子孫興隆天人來格吉慶日臻過去得生天王之門或聰明智慧相好端嚴年命長遠歡樂自然

道君曰吾昔於清妙國中說法教化天人時有男女八萬七千人俱來詣座同發善心結大宏誓爲帝主國王后妃大臣公侯宰輔人民土地一切眾生常持六齋十直三元八節甲子庚申諸雜齋等及建百座高臺召請道士講說此經十一年中勤誠不退感徹諸天吾遣左玄真人同授靈藥各得長生今在善積山中並證仙道其威儀軌則各如三洞法矣普濟稽首問曰未

道藏輯要

業報因緣經

卷

房集六  
X二八

審齋法以何時也

道君答曰天地運度晝夜相推十二時間氣有生死盛衰變化善惡吉凶人鬼不同罪福各別陰陽利害自有所宜今具說之子宜諦受夜半是諸天人食世人食之增算九十除八十一病地官敬仰鷄鳴時是諸天官食世人食之增算一百除病九十地官司迎平旦時是諸天輔食世人食之增算一百二十除病一百地官畏之日出時是諸天王食世人食之增算一百四十除病一百二十地官送迎辰時是諸天帝釋食世人食之增算一百八十除病一百六十地官侍門禺中是諸天真聖食世人食之增算四十除四百四病諸天下臨玉女散華金童揚煙三

界五帝日月星辰神仙兵馬金剛力士一時齊到止善輟惡名  
聞上清萬天歡悅一切獲福宜以此時致齋也日中是諸天魔  
王食世人食之減算九十生八十一病地官察身日昃時是諸  
地魔王食世人食之減算一百生病九十一地官害門晡時是  
人間諸鬼神食世人食之減算一百二十生病一百地官生罪  
惡鬼殺身黃昏時是地下冥王鬼神食世人食之減算一百八  
十生病二百眾害傷身人定時是餓鬼畜生酆都鬼神食世人  
食之減算五千生四百四病萬害加身故鬼物邪精乘其飲食  
入人腹中能生百病及諸眾苦一切厄難奪人算命不得神仙  
長生不死若諸男女能依我法各知所說凡食之時皆須先出  
道藏輯要

業報因緣經

堯

房集六  
××

諸食種種於前一則獻仙聖二飴地祇三與鬼神四及眾生起  
此四想是大慈悲免諸凶惡鬼神不侵散施鳥獸遍及蟲魚悉  
令飽滿獲福無量生死受恩普濟又曰受食有何次第

道君答曰先須盥漱端身燒香行道懺悔禮拜發願回向陳啓  
事竟然後受食閉目存想身中諸神與三一同食食之時不得  
他人輒動手有穢觸安徐啖嚼與氣俱進皆當手捧清淨巾器  
勿教凡穢言笑喧聒是名法食始曰清齋能依是言諸天降駕  
萬聖齊臨眾真稱善玉女散華生死蒙恩得福無量